

ՀՀ ԱՐՄԱՎԻՐԻ ՄԱՐԶՊԵՏ ԱՐԳԻՇՏԻ ՄԵԽԱԿՅԱՆԻ ԳԼԽԱՎՈՐԱԾ 2025 ԹՎԱԿԱՆԻ
ԱՊՐԻԼԻ 28-ԻՆ, ԺԱՄԸ 10:00-ԻՆ ԿԱՅԱՑԱԾ ԳՈՐԾԱԿԱՐԳԱՎԱՐԱԿԱՆ
ԽՈՐՀՐԴԱԿՑՈՒԹՅԱՆ

Մասնակցությամբ՝

- Արմավիրի մարզպետի աշխատակազմի գլխավոր քարտուղար՝
- Արմավիրի մարզպետի խորհրդական՝
- Արմավիրի մարզպետի խորհրդական՝
- Արմավիրի մարզպետի օգնական՝
- Արմավիրի մարզպետի օգնական՝
- Արմավիրի մարզպետի աշխատակազմի կառուցվածքային ստորաբաժանումների ղեկավարների
- Արմավիրի մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության փաստաթղթաշրջանառության բաժնի պետ՝
- Արմավիրի մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության ավագ մասնագետ՝

Արամ Հովհաննիսյանի
Բարսեղ Նիկողոսյանի
Երվանդ Խաչատրյանի
Մանվել Մելիքյանի
Նարեկ Խաչատրյանի

Աննա Միքայելյանի

Անուշ Պողոսյան

Քննարկվեց՝

ՀՀ Արմավիրի մարզպետի կողմից գլխավորած գործակարգավարական խորհրդակցության ընթացքում մարզպետի կողմից 21.04.2025թ. տրված հանձնարարականների կատարման ընթացքը և մարզում առկա այլ հրատապ խնդիրներ:

1. ՀՀ պետական գույքի կառավարման կոմիտեին ՀՀ Արմավիրի մարզպետի աշխատակազմի ենթակայությամբ գործող հանրակրթական ուսումնական հաստատությունների կողմից անշարժ գույքի հանձնման ուղղությամբ տարված աշխատանքների և արդյունքների վերաբերյալ, ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Դավիթ Ավետիսյանը զեկուցեց՝

ՀՀ պետական գույքի կառավարման կոմիտեին ՀՀ Արմավիրի մարզպետի աշխատակազմի ենթակայությամբ գործող հանրակրթական ուսումնական հաստատությունների կողմից անշարժ գույքի հանձնման գործընթացի վերաբերյալ հայտնում եմ, որ ՀՀ պետական

գույքի կառավարման կոմիտեին չհանձնված թվով 7 դպրոցների հանձնման կապակցությամբ կատարվում է ամենօրյա աշխատանք /փաստաթղթերի ուսումնասիրություն, այցելություն դպրոց, քննարկումներ ՀՀ պետական գույքի կառավարման կոմիտեի աշխատակիցների հետ/ և արդյունքների մասին կազմվել է տեղեկանք, որը ներկայացվում է աղյուսակի տեսքով.

	Անշարժ գույքի անվանումը	Անշարժ գույքի հասցեն	Պետական գույքի կառավարման կոմիտեին չհանձնելու պատճառները	Անշարժ գույքի հետ կապված խնդիրների լուծման վերաբերյալ տարվող աշխատանքները
1	«Արմավիրի Մովսես Սիլիկյանի անվան N6 հիմնական դպրոց» ՊՈԱԿ	ՀՀ Արմավիրի մարզ ք.Արմավիր Շահումյան 20	Դպրոցի տարածքում առկա է շինություն, որը ներկա պահին չի տնօրինվում դպրոցի կողմից	Քննարկվել է Պետական գույքի կառավարման կոմիտեում, խնդրի կարգավորման ուղղությամբ սեղմ ժամկետում կառաջարկվի լուծման տարբերակ:
2	«Արմավիրի N 8 հիմնական դպրոց» ՊՈԱԿ	ՀՀ Արմավիրի մարզ ք.Արմավիր Աբովյան 182	Դպրոցի անշարժ գույքի նկատմամբ իրավունքների պետական գրանցման վկայականնում առկա են հողամասի և շինությունների վերաբերյալ անհամապատասխանություններ	Փաստաթղթերը գրությամբ ներկայացվել են Պետական գույքի կառավարման կոմիտե:
3	«Հացիկի Ավետիս Բաղդասարյանի անվան միջնակարգ դպրոց» ՊՈԱԿ	ՀՀ Արմավիրի մարզ,Արմավիր համայնք, գ. Հացիկ 1-ին փ., 262.	Դպրոցի տարածքում առկա են շինություններ, որը ներկա պահին չի տնօրինվում դպրոցի կողմից	Քննարկվել է Պետական գույքի կառավարման կոմիտեում, խնդրի կարգավորման ուղղությամբ առաջարկվել է տարբերակ, որը գտնվում է ուսումնասիրության փուլում:

4	«Լեռնամերձի հիմնական դպրոց» ՊՈԱԿ	ՀՀ Արմավիրի մարզ, Խոյ խոշորացված համայնք գ. Լեռնամերձ Արագածի 26	Տարածքում առկա է ինքնակամ շինություն	Քննարկվել է Պետական գույքի կառավարման կոմիտեում, խնդրի կարգավորման ուղղությամբ առաջարկվել է տարբերակ, կատարվելու է դպրոցի տարածքում գտնվող ինքնակամ շինության օրինականացում:
5	«Վարդանաշենի Մ.Մինասյանի անվան միջնակարգ դպրոց» ՊՈԱԿ	ՀՀ Արմավիրի մարզ գ.Վարդանաշեն 1-ին փողոց,24 շենք	Կատարվել է նոր չափագրություն,որից հետո իրականացվելու է սեփականության իրավունքի գրանցման գործընթաց	Քննարկվել է Պետական գույքի կառավարման կոմիտեում, խնդրի կարգավորման ուղղությամբ առաջարկվել է տարբերակ, կատարվելու է դպրոցի շենքի չափագրում, սեփականության վկայականի ուղղում:
6	Արգինայի միջնակարգ դպրոց	Գ. Արգինա, Աբովյան 40	Բացակայում է անշարժ գույքի նկատմամբ իրավունքների պետական գրանցման վկայականը:	Պետական գույքի կառավարման կոմիտե ուղարկվել է մարզպետի համապատասխան գրություն կառավարության որոշման նախագիծ շրջանառելու համար:
7	Գեղակերտի միջնակարգ դպրոց	ՀՀ Արմավիրի մարզ Խոյ համայնք Գեղակերտ բնակավայր Մ.Մաշտոցի 22	Հարակից շինությունների սեփականատերերի կողմից որոշակի տարածքի զավթում,ինքնակամ շինությունների կառուցում	Միջոցներ են ձեռնարկվում ինքնակամ շինությունների քանդման և հետևանքների վերացման կապակցությամբ:

2. Արմավիրի մարզի, Արմավիր համայնքի Լենուդի բնակավայրի 4-րդ փողոցի 1 և 3 բազմաբնակարան վթարային շենքերի բնակարաններում փաստացի բնակվող բնակիչներին բնակարանային պայմանների բարելավման նպատակով ֆինանսական աջակցություն տրամադրելու

վերաբերյալ ՀՀ Արմավիրի մարզպետի աշխատակազմի գլխավոր քարտուղար Արամ Հովհաննիսյանը զեկուցեց՝

ՀՀ կառավարության 20.03.2025 թվականի N340-Հ որոշմամբ սահմանված կարգով և ժամկետում, նշված որոշման շահառու հանդիսացող, Լենուդի բնակավայրի N1-3 բազմաբնակարան վթարային շենքի բնակիչները դիմում են ներկայացրել մարզպետի աշխատակազմ՝ վկայագրի միջոցով ֆինանսական աջակցություն ստանալու համար: Դիմումների քննարկման արդյունքները հիմք ընդունելով՝ համապատասխան աշխատանքային խումբը նախաձեռնել է վկայագրի միջոցով բնակարան ձեռք բերելու կամ անհատական բնակելի տուն կառուցելու աջակցություն ստանալու մասին պայմանագրի և վկայագրի նախապատրաստման աշխատանքներ:

3. ՀՀ Արմավիրի մարզպետի աշխատակազմի 2025թ. հունվար ամսվա՝ աշխատողների աշխատանքի հաճախելու հաշվառման մատյանի կորստի փաստական հանգամանքների պարզաբանման նպատակով ծառայողական քննության ընթացքի վերաբերյալ Արամ Հովհաննիսյանը զեկուցեց՝

Ծառայողական քննության եզրակացության ուսումնասիրությամբ պարզվել է, որ մարզպետի աշխատակազմի 2025 թվականի հունվար ամսվա աշխատողների հաճախման գրանցամատյանի կորստի վերաբերյալ նկարագրված արարքն իր մեջ պարունակում է կարգապահական զանցանքի հատկանիշներ պարունակող փաստական տվյալներ, որոնց հետազոտմամբ ակնհայտ է աշխատակազմի անձնակազմի, փաստաթղթաշրջանառության և հասարակայնության հետ կապերի վարչության անձնակազմի կառավարման բաժնի աշխատակիցների կողմից ծառայողական պարտականությունների ոչ պատշաճ կատարումը: Հաշվի առնելով ծառայողական քննությամբ նկարագրված արարքի ոչ մեծ ծանրության և վտանգավորության աստիճանը, հետազոտելով և գնահատելով գործով ձեռք բերված փաստական հանգամանքները, անձնակազմի կառավարման բաժնի աշխատակիցների նկատմամբ, որպես կարգապահական ներգործության միջոց, նրանց նկատմամբ կիրառել նախազգուշացում կարգապահական տույժ:

4. Մայիսի 3-ին կայանալիք համապետական շաբաթօրյակի կազմակերպման նախապատրաստական աշխատանքների ընթացքի վերաբերյալ Գոռ Հովհաննիսյանը զեկուցեց՝

14.04.2025թ. Տարածքային կառավարման և ենթակառուցվածքների նախարարությունում կայացած նիստի շրջանակում մարզի համայնքներին տրվել էին հանձնարարականներ հստակեցնելու շաբաթօրյակի իրականացման գործողությունների պլանը և տարածքային սխեմաները: Մարզի բոլոր համայնքների համայնքապետարանների Քաղաքաշինության բաժինների կողմից ստացվել են շաբաթօրյակի աշխատանքների կազմակերպման պլանը և տարածքային սխեմաները, որոնք առաջիկայում կներկայացվեն Տարածքային կառավարման և ենթակառուցվածքների նախարարություն, ինչպես նաև կտեղադրվեն Արմավիրի մարզպետի աշխատակազմի պաշտոնական կայք-էջում:

Մայիսի 3-ին կայանալիք համապետական շաբաթօրյակի կազմակերպման աշխատանքների վերաբերյալ մարզի համայնքներից մարզպետի աշխատակազմ է ներկայացվել տեղեկատվություն, ըստ որի՝ շաբաթօրյակի մասնակիցների կանխատեսվող թիվը կազմում է 27

144 մարդ, որից 7 749-ը՝ համայնքներից, 19 300-ը՝ դպրոցներից, և 95-ը՝ բժշկական կազմակերպություններից:

Շաբաթօրյակին կանխատեսվող տեխնիկայի քանակը կազմում է 93, իսկ գործիքների քանակը՝ 1899:

Շաբաթօրյակի աշխատանքների իրականացման հետ կապված Արմավիրի մարզպետի կողմից եղավ հանձնարարական՝ ապահովել աշխատակազմի մասնակցությունը/ըստ վարչությունների/ մարզի տարբեր պատմամշակութային վայրերում, այդ թվում՝ «Զվարթնոց» պատմամշակութային արգելոց-թանգարան, Սարդարապատի հուշահամալիր-Հայոց ազգագրական թանգարան, ինչպես նաև «Մեծամոր» պատմահնագիտական արգելոց-թանգարան, ինչպես նաև ապահովել աշխատանքների իրականացման համար անհրաժեշտ պարագաներ:

Մարզպետի կողմից հանձնարարական եղավ աշխատակազմի գյուղատնտեսության և շրջակա միջավայրի պահպանության վարչության պետ Արթուր Այվազյանին՝ առաջիկա գործակարգավարական խորհրդակցությանը զեկուցել հակակարկտային կայանքների աշխատանքի վերաբերյալ, նաև կազմակերպել հանդիպում-քննարկում ԶՕԸ տնօրենների հետ:

Ամփոփելով քննարկումը, Հայաստանի Հանրապետության Արմավիրի մարզպետ Արգիշտի Մեխակյանը խորհրդակցությունը հայտարարեց ավարտված:



2025-05-02 16:41:38 GMT+4
Հավաստված է ԷԿԵՆԳ-ի կողմից



ՀՀ ԱՐՄԱՎԻՐԻ ՄԱՐԶՊԵՏ՝

ԱՐԳԻՇՏԻ ՄԵՒԱԿՅԱՆ

Արձանագրող՝ ՀՀ Արմավիրի մարզպետի
աշխատակազմի անձնակազմի կառավարման,
փաստաթղթաշրջանառության և հասարակայնության
հետ կապերի վարչության փաստաթղթաշրջանառության
բաժնի պետ՝ Աննա Միքայելյան